



The
University
Of
Sheffield.



CITY College
An International
Faculty Of
The University.

Republika e Kosovës
Republika Kosova -Republic of Kosovo
Qeveria-Vlada-Government

MINISTRIA E ARSIMIT, SHKENCËS
DHE E TEKNOLOGJISË

SHPALLJE

Bursat për studentët nga Kosova në Universitetin e Sheffield-it, Fakultetin Ndërkombëtar "City College", 2017-2018

Për:

- **Studime universitare (Bachelor)**
- **Studime pasuniversitare (Master-me orar të plotë)**
- **Ekzekutiv MBA (me orar jo të plotë)**
- **Doktoratë – PhD (me orar të plotë / jo të plotë)**

Universiteti i Sheffield-it, Fakulteti Ndërkombëtar, CITY College në bashkëpunim me Ministrinë e Arsimit, Shkencës dhe Teknologjisë së Kosovës, ofrojnë gjashtëdhjetë e dy (62) bursa për studentët nga Kosova për studime Bachelor, Master (me orar të plotë), MBA (me orar jo të plotë) dhe Studime Doktorate- PHD (me orar të plotë / jo të plotë (Viti i pranimit: 2017-2018). Sipas kësaj iniciative, CITY College synon të mbështesë shkollimin për studentët e dalluar të cilët dëshirojnë të studiojnë në CITY College në Selanik-Greqi dhe të marrin diplomë të pranuar në nivel ndërkombëtar nga Universiteti i Sheffield-it. Studimet do të ofrohen në kampusin e Universitetit të Sheffield-it, CITY College në Selanik.

Universiteti i Sheffield-it është universitet me renome, ndër më të mirët në Britaninë e Madhe, që vazhdimisht radhitet në mesin e "100 universiteteve më të mira në botë", në "10 universitetet më të mira për Kapacitete Hulumtuese. Zë vend në 1% -shin e "Universiteteve më të mira në botë".

Për më shumë informata në lidhje me programet e Fakultetit Ndërkombëtar të Universitetit të Sheffield-it, CITY College, luteni të vizitoni citycollege.sheffield.eu

Bursa për studime universitare (Bachelor)

Dhjetë (10) bursa të plota për studime universitare (për 3 vite studimi), sipas skemës në vijim:

- 50% e pagesave të studimit do të mbulohen nga universiteti (4120 € për student për një vit);
- 50% e pagesave të studimit do të mbulohen nga MASHT-i (4120 € për student për një vit).

Dhjetë (10) bursa me gjysmë tarife të shkollimit për studime universitare (për 3 vite studimi), sipas skemës në vijim:

- 50% e pagesave të studimit do të mbulohen nga universiteti (4120 € për student);
- 50% e pagesave të studimit do të mbulohen nga studentët (4120 € për student).

Studimet Bachelor zgjasin 3 vite dhe bursat janë në dispozicion për programet në vijim:

Administrim Biznesi & Departamenti i Ekonomisë

- BA (Hons) në Studime Biznesi (Marketing)
- BA (Hons) në Studime Biznesi (Menaxhment)
- BA (Hons) në Studime Biznesi (Kontabilitet & Financë)
- BA (Hons) në Studime Biznesi (Hotel dhe Hospitality)

Departamenti i Shkencave Kompjuterike

- BSc (Hons) në Shkenca Kompjuterike
- BSc (Hons) në Shkenca Kompjuterike (Informatikë Biznesi)
- BSc (Hons) në Shkenca Kompjuterike (Internet Computing)

Departamenti i Psikologjisë

- BSc (Hons) në Psikologji

Departamenti i Studimeve të gjuhës angleze

- BA (Hons) në Mësimëdhënie të Gjuhës Angleze dhe Linguistikë

SHËNIM I RËNDËSISHËM:

Përfituesit e bursave do të jetojnë në Selanik gjatë studimeve të tyre.

PËRSHTATSHMËRIA PËR BURSAT BACHELOR

Kandidatët për bursat për studime Bachelor duhet të plotësojnë kërkesat e pranimit të Fakultetit Ndërkombëtar për programet e CITY College për të cilat ata aplikojnë. Kandidatët për programet universitare duhet të kenë Certifikatë për mbarimin e Shkollës së Mesme të Lartë (Maturën, dhe të kenë arritur pikët për regjistrim në universitet në bazë të Ligjit) me performancë të mirë dhe duhet të zotërojnë rrjedhshëm gjuhën angleze (TOEFL: 79 ose IELTS bazuar në internet: 6,0 ose kualifikime ekuivalente). Kandidatët që nuk posedojnë në kohën e aplikimit ndonjë nga kualifikimet e gjuhës angleze

të mësipërme kanë të drejtë për bursa me kusht që ata të hyjnë në Testin e Gjuhës Angleze, që do të organizohet nga Universiteti i Kosovës (shiko: **Testin e gjuhës angleze** më poshtë*). Nxënësit që kanë përfunduar studimet e tyre të shkollës mesme të lartë në gjuhën angleze gjithashtu duhet të paraqesin një kualifikim të gjuhës angleze ose të hyjnë në testin e gjuhës angleze, që do të organizohet nga Universiteti në Kosovë (shih Testin e gjuhës angleze më poshtë*).

[Kriteret për pranim për studime universitare](#)

[Aplikacioni për programet Bachelor \(pdf\)](#)

Bursa për Studime Pasuniversitare (Master)

Dhjetë (10) bursa të plota për studime pasuniversitare me orar të plotë (1 vit studimesh), sipas skemës në vijim:

50% e pagesave të studimit do të mbulohen nga universiteti (5340 € për student);

50% e pagesave të studimit do të mbulohen nga MASHT-i (5340 € për student).

Pesëmbëdhjetë (15) bursa me gjysmë tarife të shkollimit për studime pasuniversitare me orar të plotë (1 vit studimi), sipas skemës në vijim:

50% e pagesave të studimit do të mbulohen nga universiteti (5340 € për student);

50% e pagesave të studimit do të mbulohen nga studentët (5340 € për student).

Studimet Master zgjasin 1 vit (programi me orar të plotë) dhe mbahen gjatë ditëve javore (e hënë - e premte), përveç "MA në Gjuhësi të Aplikuar dhe Tesol. Bursat janë në dispozicion për programet në vijim:

Administrim Biznesi & Departamenti i Ekonomisë

- MSc në Banka & Financa
- MSc në Menaxhment
- MSc në Menaxhment (Menaxhim i Burimeve Njerëzore)
- MSc në Menaxhment (Logjistikë dhe Menaxhim i Zinxhirit të Furnizimit)
- MSc në Hotele & Menaxhim të Turizmit
- MA në Marketing, Reklama & Marrëdhënie me Publikun
- MA në Marketing Digjital dhe Media Sociale

Departamenti i Shkencave Kompjuterike

- MSc në Inxhinieri Softuerike të avancuar (Rrjetet e të dhënave)
- MSc në Inxhinieri Softuerike të avancuar (Aplikacionet në internet dhe celular)
- MSc në Inxhinieri Softuerike të avancuar (Siguria e Informacionit)

Departamenti i Psikologjisë

- MSc në Psikologji Këshillimi
- MSc në Neuropsikologji kognitive

Departamenti i Studimeve të gjuhës angleze

- MA në Linguistikën e aplikuar dhe TESOL (mbahet gjatë vikendeve)

SHËNIM I RËNDËSISHËM:

Përfituesit e bursave të të gjitha programeve Master (që mësohen gjatë ditëve të javës) priten të jetojnë në Selanik gjatë studimeve të tyre. Megjithatë, studiuesit për MA në Gjuhësinë e Aplikuar dhe TESOL të Departamentit të Studimeve Angleze ndjekin mësimet në fundjava specifike dhe mund të zgjedhin të udhëtojnë në Selanik për orët e fundjavës.

PËRSHTATSHMËRIA PËR BURSAT MASTER

Kandidatët për bursat Master duhet të plotësojnë kërkesat e pranimit të Fakultetit Ndërkombëtar, programet e City College për të cilat ata aplikojnë.

Kandidatët për programet pasuniversitare normalisht priten të kenë ose të jenë gati të marrin diplomën "Good Class Honours Degree" nga një Universitet ose një kolegji i akredituar sipas ligjit të Kosovës. Ata duhet të zotërojnë rrjedhshëm gjuhën angleze (TOEFL: 89 ose IELTS bazuar në internet: 6,5 ose CAE (A ose B) ose kualifikime ekuivalente). Kandidatët që nuk posedojnë në kohën e aplikimit ndonjë nga kualifikimet e gjuhës angleze të mësipërme kanë të drejtë për bursa me kusht që ata të hyjnë në Testin e Gjuhës Angleze, që do të organizohet nga Universiteti në Kosovë (shiko: **Testin e gjuhës angleze** më poshtë*). Studentët që kanë përfunduar studimet e tyre universitare (Bachelor) në gjuhën angleze nuk janë të detyruar të paraqesin kualifikimin e gjuhës angleze.

[Kriteret për pranim për studime pasuniversitare \(programet MA & MSc\)](#)

[Aplikacioni për programet MA dhe MSc \(pdf\)](#)

Bursa për programin ekzekutiv MBA – Sektori publik dhe privat
--

Dhjetë (10) bursa të plota për MBA për të punësuarit në sektorin publik dhe privat sipas skemës në vijim:

50% e pagesave të studimit do të mbulohen nga universiteti (7445 € për student);
50% e pagesave të studimit do të mbulohen nga MASHT (7445 € për student).

Pesë (5) bursa të plota për MBA për të punësuarit në sektorin publik dhe privat sipas skemës në vijim:

50% e pagesave të studimit do të mbulohen nga universiteti (7445 € për student);
50% e pagesave të studimit do të mbulohen nga studenti (7445 € për student).

Bursat e plota janë në dispozicion për specializimet në programet Ekzekutive MBA (EMBA):

- MBA në Menaxhment të Përgjithshëm
- MBA në Marketing
- MBA në Financa
- MBA në Logjistikë
- MBA në Menaxhim i Kujdesit Shëndetësor
- MBA në Menaxhimin e Burimeve Njerëzore

SHËNIM I RËNDËSISHËM:

- MBA Ekzekutive është një program me kohë të pjesshme, që zgjat 2 vjet dhe klasat mbahen në Selanik gjatë një fundjave në muaj.
- Përfituesit e bursave do të udhëtojnë për në Selanik gjatë fundjavave të caktuara sipas orarit për programet MBA
- Përfituesit e bursave priten të udhëtojnë për në Sheffield, në Mbretërinë e Bashkuar për një javë në fund të vitit të parë të studimeve. Shpenzimet e udhëtimit për në Sheffield, në Mbretërinë e Bashkuar do të mbulohen nga studenti.

[Kriteret për pranim për programet Ekzekutiv MBA](#)

[Aplikacioni për programet MBA Ekzekutiv \(pdf\)](#)

PËRSHTATSHMËRIA PËR BURSAT MBA

Kandidatët për bursat MBA duhet të plotësojnë kërkesat e pranimit të Fakultetit Ndërkombëtar, programet e City College për të cilat ata aplikojnë.

Kriteret për bursat MBA

Kandidatët për programet MBA normalisht priten të kenë ose të jenë gati të marrin diplomën "Good Honors Degree" nga një Universitet ose një kolegji i

akredituar sipas ligjit të Kosovës. Ata duhet të zotërojnë rrjedhshëm gjuhën angleze (TOEFL: 89 ose IELTS bazuar në internet: 6,5 ose CAE (A ose B) ose kualifikime ekuivalente). Kandidatët që nuk posedojnë në kohën e aplikimit ndonjë nga kualifikimet e gjuhës angleze të mësipërme kanë të drejtë për bursa me kusht që ata të hyjnë në Testin e Gjuhës Angleze, që do të organizohet nga Universiteti në Kosovë (shiko: **Testin e gjuhës angleze** më poshtë*). Studentët që kanë përfunduar studimet e tyre universitare (Bachelor) ose pasuniversitare (Master) në gjuhën angleze nuk janë të detyruar të paraqesin një kualifikim të gjuhës angleze. Mosha minimale e kërkuar është 26vjeç dhe nevojitet certifikata përvojës së punës. Kandidatët që punojnë në Ministrinë e Arsimit, Shkencës dhe Teknologjisë nuk kanë të drejtë për bursa MBA.

Bursat për Doktoratë (PhD)

Dy (2) bursa për studime (PhD) me orar të plotë ose të pjesshme në Qendrën Kërkimore për Evropën Juglindore (SEERC) sipas skemës në vijim:

50% e pagesave të studimit do të mbulohen nga Universiteti (Për studimet e doktoratës me kohë të plotë: 7,500 funta britanikë në vit për student për 3 vjet ose për studimet e doktoratës me kohë të pjesshme: 3,750 funta britanikë në vit për student për 6 vjet)

50% e pagesave të studimit do të mbulohen nga MASHT (Për studimet e doktoratës me kohë të plotë: 7,500 funta britanikë në vit për student për 3 vjet ose për studimet e doktoratës me kohë të pjesshme: 3,750 funta britanikë në vit për student për 6 vjet).

Në përgjithësi, hulumtimi në Qendrën e Kërkimit për Evropën Juglindore (SEERC) trajton tri fusha të gjera::

- Ndërmarrësia, inovacioni dhe zhvillimi i biznesit dhe ekonomisë
- Teknologjia e Informacionit dhe Komunikimi
- Shoqëria dhe zhvillimi njerëzor: Psikologji, Politikë, Sociologji dhe Arsim.

Kriteret për Bursat e PhD

Kandidatët për bursat PHD duhet të plotësojnë kërkesat e pranimit të Fakultetit Ndërkombëtar, programet e City College për të cilat ata aplikojnë.

Kandidatët e përshtatshëm për studimet PhD normalisht priten të kenë diplomën "Good first degree" (Klasa 2.1 ose më lartë) dhe nivelin e kualifikimit Master në fushën përkatëse. Kandidati duhet të ketë një njohuri të shkëlqyeshme të gjuhës angleze (varësisht nga fusha: IELTS 6.5 - 7.0 ose ekuivalent). Kandidatët që nuk posedojnë në kohën e aplikimit ndonjë nga Kualifikimet e gjuhës angleze të mësipërme kanë të drejtë për bursa me kusht që ata të hyjnë në Testin e Gjuhës Angleze, që do të organizohet nga Universiteti në Kosovë (shiko: **Testin e gjuhës angleze** më poshtë*). Studentët që kanë përfunduar studimet e tyre universitare (Bachelor) ose pasuniversitare (Master) në gjuhën angleze nuk janë të detyruar të paraqesin

kualifikim të gjuhës angleze. Kandidati pritet gjithashtu të jetë entuziast, punëtor i zellshëm, mirë i organizuar dhe i aftë për t'i dhënë përparësi kërkesave të punës. Përvoja e mëparshme kërkimore konsiderohet si avantazh.

[Thirrje për aplikime PhD nga Kosova](#)

[Më shumë informacione për Qendrën e Evropës Juglindore për Hulumtime \(SEERC\).](#)

Testi i gjuhës angleze

Kriteret për njohjen e gjuhës angleze janë cekur qartë në seksionet përkatëse të përshtatshme të përmendura më lart. Të gjithë kandidatët të cilët nuk posedojnë ndonjë prej kualifikimeve të gjuhës angleze të përcaktuara me kriteret e Universitetit do t'i nënshtrohen Testit të gjuhës angleze. Testi do të organizohet dhe mbikëqyret nga përfaqësuesit e Fakultetit Ndërkombëtar të Universitetit të Sheffield, CITY College. Data dhe vendi i Testit të gjuhës angleze do të shpallen me kohë.

Kandidatët të cilët posedojnë ndonjë kualifikim të gjuhës angleze që është ekuivalent me atë të përshkruar në linqet "Kriteret për Pranim dhe Aplikim", duhet ta kontaktojnë z. Gregory Dikaios në gdikaios@city.academic.gr për të verifikuar nëse kualifikimi i tyre është i pranueshëm nga universiteti.

Interview

Të gjithë aplikantëve për bursa Bachelor, Master dhe MBA do t'ju kërkohe të marrin pjesë në një intervistë personale si pjesë e procedurës së përzgjedhjes. Intervista do të zhvillohet në Prishtinë nga një përfaqësues i Fakultetit Ndërkombëtar të Universitetit të Sheffield, CITY College. Data dhe vendi i intervistës do të shpallen në kohën e duhur.

Aplikantët për bursa të doktoratës do të intervistohen veçmas nga një përfaqësues i Qendrës për Hulumtime të Europës Juglindore (SEERC) dhe data do të shpallet në kohën e duhur.

Procesi i selektimit

Fakulteti Ndërkombëtar i Universitetit të Sheffield-it, City College është përgjegjës për procesin e përzgjedhjes. Procesi i përzgjedhjes do të ekzekutohet nga Fakulteti Ndërkombëtar në bazë të kërkesave të pranimit të saj dhe rregulloreve.

SI TË APLIKONI?

Kandidatët e interesuar për bursat e lartpërmendura duhet t'i plotësojnë dhe t'i sjellin aplikacionet e tyre në Ministrinë e Arsimit, Shkencës dhe Teknologjisë në zyrën e përmendur më poshtë.

Së bashku me formularin e aplikimit, kandidatët gjithashtu duhet të dorëzojnë edhe të gjitha dëshmitë e kërkuara për kualifikim akademik (kopje të origjinaleve si dhe përkthimin zyrtar në gjuhën angleze, të gjitha të certifikuara si kopje të mirëfillta) siç është specifikuar në Kriteret për Pranim dhe Aplikim në linqet më lartë.

Vërejtje:

Studentët që nuk kanë diplomuar akoma, mirëpo pritët të diplomojnë deri më 15 Shtator 2017, duhet t'i dorëzojnë të gjitha certifikatat e notave që i kanë në dispozicion deri më tani. Komisioni i Bursave do të vendos duke u bazuar në dëshmitë akademike në dispozicion në ditën e përzgjedhjes. Rezultati i testit të maturës apo diploma e universitetit duhet të dorëzohen menjëherë pasi të jenë lëshuar. Për hollësi, luteni të shihni Kriteret relevante për pranim dhe Aplikim të Universitetit të Sheffield-it në linqet më lartë.

Dorëzimi i aplikacionit tuaj për bursë

Aplikacionet për bursa dhe të gjitha dokumentet relevante duhet të futen në një zarf dhe të dorëzohen në Ministrinë e Arsimit, Shkencës dhe Teknologjisë, në Zyrën e Protokollit (Zyra nr.4 kati i parë MASHT) në këtë adresë:

Për Znj. Kaltrina Aliu

Departamenti për Integrimin Europian dhe Koordinimin e Politikave
Ministria e Arsimit, Shkencës dhe Teknologjisë

Kati i Dytë, Zyra: 204

Numri i telefonit: +38138 200 20053

E-mail: kaltrina.aliu@hotmail.com

Shënim: Në pjesën e përparme të zarfit duhet të shkruhet Emri, Mbiemri, Email, dhe Titulli i programit për të cilin aplikohet kandidati.

Procesi i përzgjedhjes për bursistët

- Aplikacionet do të dorëzohen në Ministrinë e Arsimit, Shkencës dhe Teknologjisë të Kosovës
- Kandidatët pa kualifikimin e kërkuar të gjuhës angleze do të hyjnë në testin e gjuhës angleze
- Kandidatët e mundshëm për bursa do të ftohen për intervistë

- Aplikacionet do të shqyrtohen nga Departamentet Akadematike në Fakultetin Ndërkombëtar të Universitetit të Sheffield-it, City College në Selanik
- Lista përfundimtare e bursistëve do të vendoset nga Komisioni i Bursave në Universitet
- Rezultatet do të shpallen zyrtarisht në ueb-faqen e Ministrisë dhe të Universitetit.
- Të gjithë kandidatët do të informohen përmes postës elektronike me kohë.

Për më shumë informata lidhur me bursat, luteni të kontaktoni zyrën tonë në Prishtinë:

Fakulteti Ndërkombëtar i Universitetit të Sheffield-it, Zyra e Përfaqësuesit të Kolegjit CITY
 Znj. Hana Hoxha
 Tringe Ismajli, 1/7, kati i 4-të
 10 000, Prishtine, Kosove
 tel: 00386 49 422 424
email: kosovo@city.academic.gr

Kushtet shtesë

Bursa mbulon tarifat e shkollimit, qasjen në bibliotekë dhe tarifat e regjistrimit. Prandaj studentët duhet të mbulojnë me financat e tyre udhëtimin, strehimin dhe shpenzimet e tyre të jetesës.

Nëse një përfitues i bursës nuk merr pjesë në program për ndonjë arsye personale ose ndonjë arsye tjetër, atëherë do të zëvendësohet me studentin nga rang lista, duke përfshirë studentët me vetëfinancim prej 50%.

MASHT-i dhe Universiteti do të bien dakord për zëvendësimet e studentëve edhe në raste të tjera, ku përzgjedhja e studentëve do të bëhet nga Universiteti.

Nëse një bursist, për shkaqe shëndetësore ose arsye të tjera urgjente, kërkon pezullim të përkohshëm të studimeve, MASHT do të krijojë një komision për të verifikuar kërkesën për pezullim: komisioni do ta miratojë ose refuzojë kërkesën në bazë të fakteve.

Bursistët e pranuar me kusht (d.m.th. Rastet kur pritet të merret diploma) do të jenë të detyruar të paraqesin certifikatën e diplomës ose diplomën më së voni deri më 15 shtator 2017, përndryshe ata do të zëvendësohen nga studentët në rang listë, duke përfshirë studentët me vetëfinancim prej 50%.

Kushtet të tjera

1. Universiteti i Sheffield-it, Fakulteti Ndërkombëtar duhet ti ofrojë MASHT-it informacion në lidhje me progresin e bursistëve. Në veçanti rreth:
 - a) Vijueshmërisë së rregullt të studentëve dhe përfundimit të suksesshëm i vitit akademik (informacion duhet t'i ofrohet MASHT-it dy herë për secilin vit akademik.
2. MASHT-i dhe Universiteti i Sheffield-it, Fakulteti Ndërkombëtar pajtohen se studentët që dështojnë vitin e tyre akademik do të humbasin të drejtën e tyre për bursa.
3. Të gjithë bursistët do të nënshkruajnë një kontratë studimi me Ministrinë e Arsimit, Shkencës dhe Teknologjisë sipas rregullave të përcaktuara nga Ministria.

Datat e rëndësishme për vështrim

Për Bursat Bachelor, Master, dhe MBA:

Afati kohor për aplikim:	E Martë, 27 Qershor 2017
Intervistat për Bursat Bachelor, Master, dhe MBA	Pritet të shpallet
Testi i gjuhës angleze	Pritet të shpallet
Shpallja e rezultateve për Bursat Bachelor, Master dhe MBA	Pritet të shpallet

Për bursat kërkimore (PhD):

Afati kohor për aplikim:	E Hënë, 3 Korrik 2017
Testi i gjuhës angleze	Pritet të shpallet
Rezultatet për bursa PhD	Pritet të shpallet
Për informacion në lidhje me bursat PhD	Ju lutem klikoni këtu